

Հոշիւ զարկայ

Ահարոն Արք

Խնամքարկա՛ն

891.99

Զ-28

Քիճիւ-1919

Ե Ղ Ի Շ Է Չ Ա Ր Ե Ն Ց

ԱՄԲՈՒՆԵՐԸ ԽԵԼԱԳԱՐԻԱԾ

Պ Օ Է Մ

891.99

Չ- 28

ԹԻՖԼԻՍ — ՌԶԺԹ — ԱՊՐԻԼ

Ե Ղ Ի Շ Է Զ Ա Ր Ե Ն Ց

Ա մ բ ո ի խ ն ե ր ք ի ս ե լ ա գ ա ր ւ ա ծ

Պ Օ Է Մ

ԹԻՖԼԻՍ — ՌԶԺԹ ԱՊՐԻԼ

ԱՄԲՈՒՆԵՐԸ ԽԵԼԱԳԱՐԻԱԾ

1

Հեռու, մօտիկ ընկերներին,—աշխարհներին, արևներին,—
հրանման հոգիներին:—

Բոլոր նրանց, ում որ հոգին վառուում է վառ,—
Բոլոր նրանց հոգիներին արևավառ:—

Կեանքի, մահի այս ամենի աղչամուղջում՝
ողջալիզուղ հոգիներին—ողջոյն, ողջոյն...

2.

Իրիկուն էր, հրակարմիր մի իրիկուն:
Արևը, բոլբ, մայր էր մտնում արևամուտքում:
Դաշտի վրայ փուխ էր մուժ արիւնամած՝
Թոյն էր կարծես՝ բոլբ արևի սրտից քամած:

Արևը, թէժ, մայր էր մտնում արևամուտքում—
ու արիւն էր դաշտի վրայ, Թոյն էր թքում:
Հորիզոնում վառել էր մի կարմիր քուրա—
ու արևավառ փայլ էր սփռում դաշտի վրայ:
Ու արտերը, ալեծածան, վառել էին
արեգակի կարմիր փայլով իրիկնային:—
Դաշտը, անծայր ու անսահման, լայնատարած՝
հրակարմիր տախանակ էր նրանց առաջ:—
Ծով էր կարծես, որ սկիզբ ու սահման չունի—
ծով էր կարծես՝ մշուշի մէջ իրիկունի...



3932-55

Արևի տակ իրիկնային, իրիկնային տենդոյ վառած՝
այդ հին դաշտում կուռում էին ամբոխները խելագարւած:

Քաղաքներից ու գիւղերից, սոէպներից հեռու ու մօտ՝
եկել էին նրանք նորից՝ յուսաւառւած ու կրակոտ...

Ով քաղաքից էր հեռացել—նա թողել էր մշուշը ծեր,—
մշուշը, որ կեանքի վրայ մխաշաղախ ամպ էր դարձել:

Ով եկել էր գիւղից հեռու—նա թողել էր հողը խոնաւ,
որի վրայ կեանքը հլու ոչ մի ոսկի հասկ չը ծնաւ:

Ով եկել էր սոէպներից, նա թողել էր անծայրածիր
լայնութիւնը հորիզոնի, որ իր համար բանտ էր դարձել:

Ով քաղաքից էր հեռաւոր, ուր մառախուղ էր անորոշ—
նա բերել էր թոքախտաւոր սիրտը, որպէս կարմիր դրօշ:

Ով եկել էր, թողած հեռուն անծայրածիր մութը գիւղի՝
բերել էր իր մկաններում բնդմաւորւած ուժը հողի:

Ով եկել էր սոէպներից, ուր ապրում էր որպէս գերի—
բերել էր իր լուրթ աչքերում լայնութիւնը սոէպների...

Ըմբոստացած, խելագարւած, չը տանելով հին կեանքը էլ՝
անծիր դաշտում այս հաւաքւած նրանք կուր էին ելել...

Մայր էր մտնում իրիկնային արեւը՝ թէժ լոյսով վառւած:—
Ու երգելով կուռում էին ամբոխները խելագարւած:—

Դաշտն իր գէմը՝ փռւած էր նա՝ շառագունւած ու արևուն,—
ու հեռում, ճամբի վրայ, հսկայ քաղաքն էր երևում:—

Ծոյլ նազանքով, իրիկնային արևի տակ անփոյթ փռւած՝
պսպղում էր քաղաքը հին հազարերանգ մի զանգւած:

Հեռու, հեռու, անծայր ու լայն, տարածւել էր քաղաքը հին—
լողանում էր կարծես մարմանդ մշուշի մէջ իրիկնային:

Յաղթ շէնքերը, բարձր ցցւած, կարծես կախւած կարմիր օդում
հեարզհետէ մթնում էին, անգունանում ու անօտում:

Հեռու հրով միայն վառւած պատուհանները ապակի
փայլում էին արիւնամած վերջին հրին արեգակի.

արևի դէմ փայլում էին հրաբոսոր՝

բռնկւել էր նրանց սրտում տագնապը սուր.

Ու երկնահուպ գմբէթների ոսկի խաչերը հրագոյն
հետզհետէ մարում էին իրիկնային լուրթ երկրնքում:

Եւ երկրնքի սիրտը մխւած բեռների պէս արնաքամ՝
փայլում էին արիւնամած ծխնելոյզներն հսկայական:

Ծուխ չէր ելնում նրանց փողից, չէին փնջում երկինքն ի վեր.
չէր կարծրանում նրանց ծուխից իրիկնային երկինքը էլ...

Լոկ մշուշը իրիկնային թանձրանում էր հեարզհետէ—
ու մշուշում կորչում էին ծխնելոյզները երկաթէ...

Իսկ քաղաքից դէպի հարաւ՝ գուղձերի մօտ քանդած հողի՝
երևում էր հսկայական կայարանը երկաթուղու:

Լսւում էր մերթ շրգեկառքի սուլոցը սուր հեռու մութում—
մորթում էին կարծես այնտեղ խելագարւած մի անասուն...

Ճշում էր սուր, յուսակաւոր, ու յուսաւատ ձայնը նրա,
որպէս անդարձ մահի մի լուր տարածւում էր դաշտի վրայ:—

Ցցւած էր նա, կայարանը, հսկայ ու յաղթ, նրանց առաջ:—
Ու հանգոյցից կայարանի, դաշտովը մէկ լայնատարած՝

դէպի հիւսիս, դէպի հարաւ, ու արեւմուտք, ու արևելք—
ուղիները երկաթագիձ ձգւել էին ամենուրէք:—

Երակների պէս երկաթէ քաղաքամօտ կայարանից

հեռու, հեռու ձգւել էին ուղիները երկաթաղիծ:
Երակները պէս երկաթէ՝ ամուր գըրկած կուրծքը հողի՝
սեղմըւեով հետըզհետէ փախչում էին գաղտագողի...
Ու ցցւած էր ուղիների խաչակնքման սեղմ հանգոյցում —
կայարանը, որպէս մի հարց, որպէս հսկամի քարացում:
Ուղիների ճամփամիջում հանգոյց էր նա կարծես կապւած —
ու անդիջում կուռում էին ամբոխները խելագարւած:
Փչում էր մեղմ, մարմանդ մի հով՝ բարակ սուրում էր հարաւէն, —
գնում էին կուռով, երգով, որ կայարանը գրաւեն...

Կուռում էին: Սուրում էր մի իրիկնային, մարմանդ քամի:
Դէմը՝ քաղաքն էր տարածւել՝ հաղարամեայ մի թշնամի:
Սփինքսի պէս հսկայական, շէկ ծրծերը դրած հողին՝
նա կըտրել էր արեւակամ ամբոխների կարմիր ուղին...
Ու կայարանը՝ յաղթանդամ, իրիկնային կարմիր մուժում,
յաղթ նստել էր նրա առաջ, որպէս նրան հսկող մի շուն: —
Յաղթ նստել էր նրա առաջ ու տիրուհու կամքին զերի՝
երթն էր հսկում գետնատարած, երկաթագիծ ուղիների: —
Ու քիչ մօտիկ կայարանին՝ խաչաձեւ երկայնքն ուղու՝
գաշտի վրայ ձգւած կային երկայն շերտեր քանդած հողի: —
Թշնամին էր պահել այնտեղ, ուր հողը թաց, խոնաւ էր դեռ՝
փորել էր նա դէմը, այնտեղ երկայնաձիգ խրամատներ:
Փորել էր ջերմ կուրծքը հողի, հողի սրտում դարան մտած՝
կրակում էր գաղտագողի, նենգ ձեռքերով արիւնոտած:
Փորել էր և իրա առաջ հող էր դարսել, ու ցեխ, ու քար —
բայց ոչ մի դիրք հողում փորած չի պաշտպանի մարդուն երկար...

Կուռում էին՝ — մօտենալով, մօտենալով հետզհետէ:
Պայթում էին զրնգալով հրանօթները երկաթէ...
Ե՛րգ էր կարծես կռիւը այդ, որ գնում էր մայրամուտում.
նայես՝ թռնաւ մի հրանօթ ու թունդ պայթեց խրամատում...

7.

Կուռում էին, ու կուելով անցնում էին նրանք առաջ:
Ու դաշտերում իրիկնային մահն էր քրքշում համատարած:
Երգում էր նա՝ երգը խառնած հրանօթի զրնգունին, —
անցնում էին նրանք առաջ ու կրակւած կուռում էին:
Ե՛րգ էր սիրտը ամեն մէկի, երգ էր հայեացքը կրակոտ.
վառւում էր սիրտը ամենքի, որպէս կարմիր մի առաւօտ:
Ե՛րգ էր կարծես արեւ հին՝ իրիկնային լոյսով վառւած —
ու երգելով կուռում էին ամբոխները խելագարւած...

8.

Եւ երգում էր մէկը՝ հզօր, հուժկու ձայնով անեղագոչ,
գո՛վքն էր երգում կուռի ելած, արիացած իր ընկերոջ...
Որպէս բազէ՝ երգը նրա սլանում էր հեռու, հեռու —
ու երգելով կըուռում էր նա՝ լուսաժպիտ ու ահարկու:
Երգում էր նա: Մայր էր մտնում արեւ հին՝ կարմիր քուրա:
Ու դաշտերում իրիկնային — գանգ էր կարծես ձայնը նրա:
Ձանգ էր կարծես, գանգում էր զիւ, որ ողջ աշխարհը իմանա —
բորբ կարօտով անձայրածիր, կրակելով երգում էր նա: —

9.

«... Ստէպներից, անտառներից, քաղաքներից հեռու ու մօտ —
մենք մեր սիրտն ենք բերել նորից՝ յուսալառւած ու կրակոտ:
Այստեղ հիմա կռիւ է, մահ, ու աղջամուղջ է անորոշ, —

մենք մեր սիրտն ենք պարզել հիմա՝ մահի հանդէպ կարմիր դրօշ։
Արիւնաքամ մայր է մտնում ահա այստեղ արեւը հին.
արիւնավառ ժպտում է մեզ այս աշխարհը իրիկնային...
Ու խնդասիրտ կուռում ենք մենք, երգ ենք ասում կուռում հիմի.
կուրծք է տւել աշխարհը ողջ՝ հազարամեայ մի թշնամի...
Բայց անվրհատ կուռում ենք մենք, ու մահը, սէգ, ժպտում է մեզ —
շատերըս, ախ, պիտի գոհենք սրտերը մեր կարօտակէզի —
Անողորմ է երթը այս սէգ, որպէս կարմիր կարօտը մեր —
կրակեցէք, կրակեցէք, խելագարւած իմ ընկերներ...»

10.

...Մայր էր մտնում իրիկնային արեւը՝ թէժ լոյսով վառւած։
Ու անվրհատ կուռում էին ամբոխները խելագարւած։
Աչքերի մէջ՝ կարմիր մի հուր, ու սրտերում — կարմիր կրակ՝
վերջին թափով մի ամբակուռ՝ անգայթ կուռում էին նրանք։
Խենթ երգելով, կրակելով նրանք անցնում էին առաջ —
ու թշնամին փախուստ տւեց՝ ահաբեկւած ու վտարած։
Մութ էր արդէն, մայր էր մտել արեգակի շողը վերջին,
երբ գրոհով մի անվեհեր կայարանը գրաւեցին...

11.

Մութ է հիմա։ Գիշերը, խոր, իջել է վար։
Մութ է հիմա, թանձր խաւար։
Երկաթուղու կայարանում, ուր ոչ մի լոյս չըկայ վառւած,
խոնրւել են հազարանուն ամբոխները խելագարւած։
Գիշերի մէջ չեն երևում յաղթ կամարները երկաթէ՝

լոյս չեն վառել կայարանում, որ թշնամին չընկատէ։
Սպասում են՝ աչքերն յառած խաւարամած հեռուներին՝
մութը իջաւ համատարած, մինչ կայարանը վերցըրին։ —
Սպասում են, որ մինչև լոյս գոնէ մի քիչ հանգստանան —
ու առաւօտ դուրս գան նորից և քաղաքի վրայ գնան։
Աչքերն յառած թանձր մութին, սրտատրոփ, անապաքէն՝
սպասում են առաւօտին, որ կռիւը շարունակեն։
Մի քիչ առաջ, արիւնաքամ, երբ դեռ դաշտում կուռում էին —
մօտ էր թւում քաղաքն այնքան երկաթուղու կայարանին...
Նկան իրենք, կուռով, երգով գրաւեցին կայանը մեծ —
խսկ թշնամին փախուստ տւեց ու քաղաքում պատըսպարեց։
Սպասում են իրենք հիմա, որ մինչև լոյս հանգստանան —
ու առաւօտ դուրս գան նորից և քաղաքի վրայ գնան...

13.

Ու մթի մէջ հազարամեայ, գիշերի մէջ խորը, անհուն՝
խառնւել են նրանք ահա երկաթուղու կայարանում,
Դաշտն է դէմը՝ խաւարակուռ ձգւած է նա։
Չըկայ մի ձայն, չըկայ քամի — մութ է հիմա։
Դաշտն է դէմը՝ անծիր, անծայր մի զանգըւած խաւարամութ,
ուր նստել է անաչք, անլոյս, խորհրդաւոր կասկածը մութ։
Շնթուկել է, որպէս մի շուն, ու խաւարն է հսկում հիմի, —
շնթուկել է թանձր մութում, որպէս անտես մի թշնամի։
Մութ նստել է կասկածը հին ու աչքերով խաւարամած
նայում է նա կայարանին, որ կանգնած է իրա դիմաց։
Շարժւում է մութը կարծես, ու խաւարով իր աչքերի —
նայում է նա լուրթ աչքերին խելագարւած ամբոխներին...
Ու տագնապով անլըռելի, հայեացքներով անթարթ լարւած,
նայում են մութ հեռուներին ամբոխները խելագարւած։

Լուրթ աչքերով խորը, տխուր—մութ են դիտում նրանք անհուն
ու զոժոռում է աղմուկը խուլ գիշերային կայարանում...

13.

Հոծ բանակով, հսկայական կայարանի դէմ խոնրւած՝
լուրթ աչքերով արեակամ—դաշտն են դիտում խաւարամած։
Մութ է դէմը, ու խաւարում, որ բացւել է որպէս անդունդ՝
բրեւում է հեռո՛ւ—հեռո՛ւն կարմիր լոյսով վառող մի գունդ։
Աչքերի դէմ մթակալւած, հայեացքների դէմ ակնդէտ—
հեռու մթում լոյսն այդ վառւած գո՛ւնտ է թւում, կարմիր մի կէտ։
Գիշերի մէջ—կարմիր, կարմիր, տափնապալից վառում է նա՝
գիշերի մէջ վառել են, որ ամբողջ աշխարհը իմանա...
Անծայրածիր մթում հեռւի կարծես կարմիր գլուխ է շան—
վառել են այն, որպէս կուրի ու տափնապալի ազդանշան...

Քաղաքն է այն հազարամեայ, ուր տափնապալ ու տենդ կայ հիմի։
Պահել է նա, որպէս վախից խելագարւած մի թշնամի։
Ու կրակը այդ կարմրակէզ, որ քիչ յետոյ պիտի մարի—
մի արնագոյն կէտ է կարծես ուղեղի մէջ խելագարի։
Բռնկւել է յոյսով յետին, հոգեվարքի տենդով վառւած—
ու նայում են կարմիր կէտին ամբոխները խելագարւած...

14.

Գիշերի դէմ խաւարամած, աչքերն յառած կարմիր կէտին՝
ամբոխները խելագարւած սպասում են առաւօտին։

Ու վառում է խաւարակուռ հոգիներում նրանց անգայթ
կէտը այդ մուգ, որպէս հեռու, հրաբոսոր մի ճառագայթ։
Սուր մխել է նրանց սրտում, որպէս մի թէժ, կարմիր բևեռ—

թոյն է լցնում ու բորբոքում ու երազներ աշխարհաւեր...
Աղմուկում է նրանց սրտում մորմոքը հին, հազարամեայ
տենդ է սփռում ու խլրտում նրանց անգայթ սրտում հիմա։
Լուրթ աչքերում փայլում է վառ արիւնամած մի ցանկութիւն—
ու աչքերը միլիոնաւոր թոյն են թքում, արիւն ու թոյն։
Բարձրանում է նրանց սրտից տարիների մաղձը աղի—
ու վառում է լուրթ աչքերում՝ արիւնալից ու կատաղի...
Ու աչքերը արիւնամած անդարձ յառած կարմիր կէտին՝
մութ տափնապալով անդարձ վառւած՝ սպասում են առաւօտին...

15.

Գիշերի դէմ—գիշեր է մութ խաւարամած նրանց հոգին,
որ կարօտով մի կրակոտ սպասում է առաւօտին։
Խաւար է մեծ սիրտը նոցա, բայց խաւարում անծայրածիր—
երկինքներ կան կապուտ աչեայ, հորիզոններ՝ անծայր, անծիր։
Ու աչքերում նրանց կապոյտ, ուր իջել է գիշերը մութ—
հազար բողբոջ կայ կրակոտ, ու արշալոյս, ու առաւօտ։
Նրանց ձրգւած մկաններում ուժն է նստել խոնաւ հողի—
եթէ ուզեն՝ արեւներին նոր տեմպ կը տան ու նոր ուղի...
եթէ ուզեն՝ արեգակներ կը շարտեն երկինքն ի վեր։
եթէ ուզեն՝ վար կը բերեն երկինքներից արեգակներ...
եթէ ուզեն՝ կամքով արի ու աշխարհի հրով վառւած—
ինչէր միայն չեն կատարի ամբոխները խելագարւած...

16.

Ու հոսում է գիշերը մութ, մօտենում է առաւօտին։
Հոսում է պաղ ու անօգուտ սպասումի ժամը յետին։

Դաշտից ահա սուրբում է զով, մարմանդ քսմին սոսուտի—
 ու վառում է վերջին լոյսով կրակը այն կարմիր կէտի...
 Նօսրանում է խաւարն ահա, գունատում է հետզհետէ
 խաւարը, որ դաշտի վրայ մի շղարշ է դառնում մութ է:
 Օրօրում է առաւօտի հովին տաժ շղարշը այդ,
 որ յուշ դարձած ցնդի պիտի, երբ բռնկւի մի ճառագայթ:
 Ու սուրբում է հեռուններից առաւօտայ կիսամթնում—
 մարմանդ, մարմանդ, բուրումնալից, զարնանային մի թարմութիւն...

Շարժում է խաւարը թէն ու հեռւում խաւարած
 երևում է քաղաքն արդէն՝ մութ, անորոշ մի զանգրւած:
 Յաղթ շէնքերի պատերը յաղթ որոշում են հետզհետէ,
 երևում են ահա հպարտ ծխնելոյզները երկաթէ...

Ու բոլր սրտում ամբոխների թունդ է առնում կարօտը մառ,
 երկինքներում լուրթ աչքերի վառում է տենդը հոգեվար...
 Բոլր աչքերով նայում են մեծ, խաւարակուռ զանգրւածին
 ու վառում է սիրտը նրանց, որպէս հրդեհ արեգնածին...
 —Պիտի երթան առաջ հիմա, պիտի առնեն քաղաքը մեծ,
 պիտի թափեն նրա վրայ հազարամեայ մաղձը իրենց...
 Քանդեն պիտի ու աւիրեն, տեղը փոշի պիտի փռեն—
 հազարամեայ քաղաքը այդ քանդեն պիտի ու աւերեն...
 Այրեն պիտի, խելագարւած պիտի պարեն հրդեհներում,
 ու կարմրավառ կրակ ու կայծ պիտի փռեն երկրի հեռուն...
 Ու մնացած մոխիրը ձիգ պիտի այրեն նրանք նորից,
 որ կեանքը հին, որպէս փիւնիկ, չբաւարձրանա մոխիրներից...
 Քամուն տալով մոխիրը այն, որ տանի ու յետ չբերի—
 դէպի հեռուն պիտի երթան դեռ չըծնւած արեւների...

17.

...Լուսաբացին, երբ կարմրածուփ հորիզոնում հրաշուշան

կարմիր վառեց արեւը հուր, որպէս կուռ ազդանշան,—
 երբ բռնկւեց արեւը արեւը՝ նոր լոյսով վառւած—
 դուրս նետեցին կայարանից ամբոխները խելագարւած...
 Դէմը դաշտն էր անծայրածիր, ուր մշուշ էր արեւգոյն,
 ու մշուշում շոգիացող, առաւօտի մարմանդ միգում,
 կրկէսի պէս մի վիթխարի, խայտաբղէտ, խայտանկար
 եզերքի մօտ ճանապարհի երևում էր քաղաքը քար...
 Աչքերն յառած հեռու-հեռուն կարմիր վառող արգակին՝
 արեւավառ հեռուններում նրանք կուռում էին կրկին—
 հոծ խմբերով հազարանուն, արեգակի հրով վառւած՝
 դէպի Արեւն էին գնում ամբոխները խելագարւած...

.

Յունիս. 918 թ.



ԾԱԽԻՈՒՄ Է ՆՈՅՆ ՀԵՂԻՆԱԿԻ

«Ժխածանը» Լիբիկա — Մոսկւա, 917 թ. գինը 1 ռ. 50 կ.

«Սօմա» նոր վեդեան պօէմ — Թիֆլիս, 919 թ. գինը 3 ռ.

Թիֆլիս, տպարան «ՊՐՕԳՐԷՍ» Լ, Պողոսեան 919 թ.

ԳԻՆՆ Է 2 Ր.

ՀՀ Ազգային գրադարան



NL0362003

48861